

۲۲ شعبان ۱۳۳۲

تلفون ۱۰۹۷

امور اداره و تحریریه و اعلانات و ساثره
ایچون مدیر مشوله مراجعت ایدلیدر .
عرفای امتك مقالات متصوفانه لرینه
جریده صوفیه نك صحیفه لری آچقیدر .
درج ایدلیان اوراق اعاده ایدلز .

پنجشنبه

۳ تموز ۱۳۳۰

جريد الاصفیاء

شیمدیك هفته ده بر نشر اولئور .

نسخه سی ۴۰ پاره در .

ابونه سی : برسنه لك اعتبارله ممالك عثمانیه
ایچون بشین اوله رق ۴۰ آلتی آیلنی ۲۵
غروش و ممالك اجنیه ایچون اونا یکی فرانقدر
محل اداره باب عالی جوارنده ابوالسعود
چاده سنده نجم استقبال مطبعه سی

عدد — ۹۶

تصوفی ، دینی ، اخلاقی ، ادبی ، سیاسی جریده اسلامیه در .

سنه — ۲

وطن لفظی دیکشدی بشقه شکل الدی ضرورتله
بتون مات اونی ترک ایلپور بر حسن حسرتله
بوکون بورده یارین اورده کزرن سوق هجرتله
بیلمز اولدی معنایی مکانک یارسلو الله

هنه حرب اخیر ارتق بیتدی اهل اسلامی
اوقونقده نظردن عموم افرادک آلامی
اوزوند پک بوکونکی دردلرک تصویر واعلامی
خلاصه تمتع عرض ، جفانک یارسلو الله

بیوکدر کرچه تقصیراتمز راه مناهیده
عطالت قابلامشکن بزلی دشمن مساعیده
قبول اولمز تضرعلر دخی نزد آلهیده
کورولمز اولدی تأثیردی دعانک یارسلو الله

نهمکن دائما صبر ونحمل ظلم وبیاده
ترحم ایلین یوق هیچ بو مظلومانه فریاده
اکر بر معنویتله شتاب ایتمزسه ک امداده
کسیلمز آرقه سی آرتق فغانک یارسلو الله
صومه تحصیل ماموری

م . حفظی

کلیات ابن الرحمن ادبی باغچلر
عدد : ۶۵

خزان

خزان — فنای عالمده بر نموندهدر. بتون آثاری فنایه دلالت ایدر.
خزان — مادر خزنندر. قلوب بشرده دائما محزون حسلر
تولید ایدر.

خزان — بر عاشق بدبختک مثال خزینیدر. کورندکجه کوزلری
کریه تأثرله طولار.

خزان — بر حساسک، بر مظلومک تجسم ایتمش آه آشنا کیدرکه
طوقوندینی هر شینی یاقار.

خزان — بر ساحه عبرتدرکه لاقید بر عارف تماشاسیله مظهر
انتباه اوله بیلیر.

خزان — بر مرد کاملک فهرست استقبالی در.

خزان — بر صحیفه حکمتدر. اهل بصیرت هر شیده فنایه اولان
میلک صور حقیقه سندن بر نبذه کوره بیلیر. مکدر

اولور ، سونیر ، کولر ، آغلار ، بهوش اولور ،
کندندن کچر .

خزان — بر دهر انقلابدر : هر شیده بر تبدل، هر تبدله بر
حزن، هر خزنده بر مظلومیت کوسترر .

خزان — مفتون لطافت، مغلوب ظرافت اولانلرک بادصر صریدر.

خزان — بر مغمومه آینه قسوتما، بر مدقه مقیاس لافقادر .

خزان — سعادت طراوتک بر زمان ماتی ، قلب جهانک بر
دوره افغانی در :

خزان — قاهرلرک مرده انحسافی، انتظامک نفحه انخالیدر.
قلعه سلطانیله

تراجم

محرم سرانر سبجانی شیخ مصطفی انور شعبانی

قدس الله سره

مصطفی بک نامیله مشهور اولان بو ذات عالیقدر بلبل کلستان
خلوتی حسامی محمد توفیق افندی حضرتلرینک وارث فیض وکالیدر
استانبولده زینتساز عالم شهود اولوب بدایه بیوک آیاصوفیه جوارنده
ساکن ایکن آیاصوفیه باش امامی عبدی افندی مرحومدن بسمله کش
معرفت اولمشدر علوم عربیه قرین ابادلی خواجه نامیله مشهور
ذاتدن تحصیل ایدوب اسکدار مدرسلرندن قره حسین افندیدن اجازتنامه
آلمشدر. پدرلری دفتر خاقانی کتبه سندن اولغله مصطفی بکده هنوز
کوچوک یاشنده بورایه الدیغندن بر مدت خدمتده بولمشدر . مصطفی
بک تکیه لری سودیکندن خصوصیه اسکدارده عنایده نالجه چی خلیل
افندی تکیه سنه مداومت وشینجی رشید افندی ایله صحبت ایدرمش
پدرینک ارتحالی اوزرینه اسکدارده بو تکیه نك یانه نقل خانه ایدرک
بوراده مداوم خاص اولدی . رشید افندیدن طریقه فیض آلدی بو
صرده قوش اطهلی ابراهیم افندی حضرتلرینک ناشر فیضی جاوش
باشی معاونی ناشر افندی مرحومه ملاقی اولوب اندن ده فیضیاب اولدیله
برکون رشید افندی نصوحی حضرتلرینک آستانه سنده حامی حضرتلریله
ملاقاتنده دوچار جذبه اولغله حامی حضرتلرینی نالجه چی درکانه
دعوت ایتدیگندن مشار الیه دعوتیه بالاجاه کلدیکنده استقباله چیقان
مصطفی بکی استعدادی حسینیه بر نظرده کلشن عرفانه اسیر ایدر بر
مدت صکره رشید افندی درکاهک مشیختی مصطفی بکه تودیع ایتمکله
مصطفی بک بوراده اون بچق سنه حامی حضرتلرینک تربیه رشادتلری
التنه فیضیاب کمال اولمشدر حامینک انتقالی اوزرینه اسرار فیضی
مصطفی بک حضرتلرینده منجلی اولدیغندن درگاه شریف مرجع خاص.

ابراهیم